



SLUŽBA ZA REVIZIJU FINANSIJSKOG POSLOVANJA

Na osnovu člana 14. stav 1. Zakona o finansiranju političkih stranaka («Službeni glasnik BiH» broj 22/00) i člana 24. Pravilnika o godišnjim finansijskim izvještajima političkih stranaka («Službeni glasnik BiH» broj 61/06) izdajem

IZVJEŠTAJ O PREGLEDU GODIŠNJEG FINANSIJSKOG IZVJEŠTAJA ZA 2005. GODINU SELJAČKE STRANKE

Broj: 09-07-6-526/06
Sarajevo, 24. maj 2007. godine

SADRŽAJ :

MIŠLJENJE REVIZORA	2
1. UVOD	3
2. PREDSTAVLJANJE POLITIČKE STRANKE	3
3. OPIS PREGLEDA I KANCELARIJSKE REVIZIJE	3
Predmet kancelarijske revizije	3
Cilj kancelarijske revizije	4
Obim kancelarijske revizije	4
4. PREDHODNE REVIZIJE	4
5. NALAZI KANCELARIJSKE REVIZIJE I PREPORUKE	4
5.1. NALAZI	4
5.2. PREPORUKE	4

MIŠLJENJE REVIZORA

Služba za reviziju finansijskog poslovanja u Centralnoj izbornoj komisiji Bosne i Hercegovine izvršila je pregled i kancelarijsku reviziju godišnjeg finansijskog izvještaja Seljačke stranke za 2005. godinu.

Rukovodstvo stranke je odgovorno za finansijske izvještaje, postupanje u skladu sa zakonima i propisima i uspostavljanje efikasnog sistema internih kontrola.

Pregled i kancelarijsku reviziju smo obavili u skladu sa revizijskim standardima primjenjivim na angažmanu u pregledu. Ovi standardi zahtijevaju da planiramo i izvršimo pregled da bi dobili umjerenu pouzdanost da stranka nije značajno kršila odredbe Zakona o finansiranju političkih stranaka.

Pregled i kancelarijska revizija su ograničeni na kontrolu godišnjeg finansijskog izvještaja političke stranke, pa prema tome ne obezbjeđuju pouzdanost koja bi se dobila izvršenom terenskom revizijom.

Na osnovu našeg pregleda utvrdili smo sljedeće:

1. Stranka nije ispoštovala odredbe člana 5. stav 1. Zakona o finansiranju političkih stranaka. Primila je donaciju koja premašuje limit od osam prosječnih neto plaća u jednoj kalendarskoj godini (4.304,00 KM za 2005. godinu, prema podacima Agencije za statistiku). Glavni odbor je primio ino donaciju od Švedske partije centra u iznosu od 15.646,64 KM.

Na osnovu našeg pregleda, odnosno revizije finansijskog izvještaja, osim napomene pod 1. nismo zapazili ništa značajno što bi ukazalo na nedostatke u izvještaju ili finansiranju ove političke stranke, te nije potrebno vršiti dodatnu reviziju u prostorijama stranke po članu 14. stav 7. Zakona o finansiranju političkih stranaka.

1. UVOD

Služba za reviziju finansijskog poslovanja u Centralnoj izbornoj komisiji BiH (u daljem tekstu: Služba za reviziju) je izvršila pregled i kancelarijsku reviziju godišnjeg finansijskog izvještaja Seljačke stranke za 2005. godinu.

Pregled, kontrola i kancelarijska revizija je provedena u skladu sa članom 25. Pravilnika o godišnjim finansijskim izvještajima političkih stranaka («Službeni glasnik BiH» broj 61/06) i članom 2. Pravilnika o administrativnim procedurama pregleda i kontrole finansijskih izvještaja, broj: 01-07-1267/05, od 05.05.2005. godine.

Zbog činjenice da nije obavljena terenska revizija, postoji velika mogućnost da pojedine materijalno značajne greške ne budu otkrivene.

Prema podacima iz godišnjeg finansijskog izvještaja politička stranka je iskazala ukupni prihod u iznosu od 16.646,64 KM, čija struktura je data u sljedećoj tabeli:

Red.br.	Vrsta prihoda	Iznos u KM	Učešće u ukupnom prihodu %
1	Članarina	0,00	0,00%
2	Prilozi fizičkih lica	0,00	0,00%
3	Prilozi pravnih lica	16.646,64	100,00%
4	Prihodi od imovine	0,00	0,00%
5	Prihodi od pr.lica	0,00	0,00%
6	Prihodi od poklona	0,00	0,00%
7	Prihodi iz budžeta	0,00	0,00%
8	Ostali prihodi	0,00	0,00%
	Ukupni prihodi:	16.646,64	100,00%

U godišnjem finansijskom izvještaju politička stranka je iskazala ukupne rashode u iznosu od 16.553,10 KM.

2. PREDSTAVLJANJE POLITIČKE STRANKE

Naziv političke stranke: Seljačka stranka. Skraćeni naziv SS.

SS je registrovana 16.05.2002. godine na Osnovnom sudu Doboj pod brojem RP-1/02.

Sjedište političke stranke je u Modriči, ulica Jovana Dučića bb.

Za zastupanje stranke ovlašteni su predsjednik stranke Gorana Vidović, podpredsjednik Vladimir Usorac i predsjednik G.O. Slobodan Vidović.

Politička stranka SS nema organizacione dijelove nižeg nivoa.

3. OPIS PREGLEDA I KANCELARIJSKE REVIZIJE

Predmet kancelarijske revizije je godišnji finansijski izvještaj Seljačke stranke za 2005. godinu.

Cilj kancelarijske revizije je da revizor na bazi finansijskog izvještaja pokuša da ustanovi da li je Seljačka stranka u izvještajnom periodu postupala u skladu sa odredbama Zakona o finansiranju političkih stranaka. Ukoliko revizor na bazi kontrole finansijskog izvještaja utvrdi određena kršenja Zakona, ocjenjuje da li je potrebno izvršiti terensku reviziju da bi mogao izraziti mišljenje o tome da li se stranka finansirala u skladu sa Zakonom o finansiranju političkih stranaka.

Obim kancelarijske revizije finansijskih izvještaja obuhvata kontrolu i provođenje analitičkih procedura radi utvrđivanja usklađenosti podataka koje je stranka iskazala u finansijskom izvještaju sa odredbama Zakona o finansiranju političkih stranaka, odnosno usklađenosti izvora finansiranja i načina trošenja sredstava, sa posebnim naglaskom na prihode iz budžeta, priloge fizičkih i pravnih lica i prihode od imovine.

4. PRETHODNE REVIZIJE

Nije vršena revizija finansijskih izvještaja.

5. NALAZI KANCELARIJSKE REVIZIJE I PREPORUKE

5.1. NALAZI

Na osnovu obavljene kancelarijske revizije godišnjih finansijskih izvještaja, utvrđeno je da je Seljačka stranka prekršila odredbe člana 5. stav 1. Zakona o finansiranju političkih stranaka.¹

Utvrdeno je da je Seljačka stranka primila prilog pravnog lica iz inostranstva u iznosu od 15.646,64 KM (iskazan u obrascu 3-b) koji premašuje limit od osam prosječnih neto plaća u jednoj kalendarskoj godini (4.304,00 KM za 2005. godinu, prema podacima Agencije za statistiku).²

5.2. PREPORUKE

Na osnovu uočenih nedostataka Seljačkoj stranci se p r e p o r u č u j e :

- **Stranka treba postupati u skladu sa članom 5. stav 1. Zakona o finansiranju političkih stranaka**

KOMENTAR

Seljačka stranka se očitovala na Preliminarni izvještaj o pregledu godišnjeg finansijskog izvještaja za 2005. godinu dopisom broj 21-07 od 22.03.2007. godine. Stranka je navela da sredstva u iznosu od 15.646.64 KM koja su primljena od Švedske partije centra nisu prilog stranci, već su to sredstva namjenski dodjeljena i utrošena za organizovanje treninga za voditelje studijskih krugova iz različitih opština BiH

Primjedba stranke nije uvažena.

Hasida Gušić, šef Službe

Nevenko Andan, revizor

¹ Ukupan iznos jednokratnog priloga iz člana 5. stava 1. Zakona ne smije premašiti osam prosječnih plata prema zvaničnim podacima Agencije za statistiku Bosne i Hercegovine u jednoj kalendarskoj godini i ne smije se dodjeljivati više od jednom godišnje.